

CYNGOR CYMUNED MANORDEILO A SALEM CYFARFOD 13^{eg} MEHEFIN 2018

Cynhaliwyd cyfarfod o Gyngor Cymuned Manordeilo a Salem am 7.30pm ar y 13^{eg} Mehefin 2018 yn yr Ystafell Ddarllen, Cwmifor.

PRESENNOL

Cynghorwyr Alun Davies, Kim Davies, Gwenfyl Evans, Hubert Gwynne, Peter Harries ac Owen Williams.

1. CROESO AC YMDDIHEURIADAU

Cymerwyd y Gadair gan y Cynghorydd Alun Davies a chroesawodd bawb i'r cyfarfod. Derbyniwyd ymddiheuriadau gan y Cynghorwyr Dorian Jenkins, Doris Jones, William Loynton, Andrew Thomas a'r Cynghorydd Sir Joseph Davies. Dechreuodd y Cyng. Alun Davies trwy ddiolch i'r Cyng. G. Evans am ei gwaith caled a'i hymroddiad fel Cadeirydd dros y flwyddyn flaenorol.

Ymunodd Swyddog Cymunedol yr Heddlu Roger Anthony'r cyfarfod a diweddarau'r Cynghorwyr ar y cynnydd da a wnaed mewn perthynas â beiciau fferm pedair olwyn a ddygwyd yn ddiweddar. Dim rhagor o faterion wedi codi.

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. K. Davies ac roedd pawb yn gytûn bod cofnodion y cyfarfod diwethaf a gynhaliwyd ar y 9^{fed} Mai 2018, fel ag y maent wedi'u teipio a'u dosbarthu, yn gywir.

Arwyddwyd gan y Cadeirydd

3. DATGANIADAU O DDIDDORDEB

Fe wnaeth y Cyng. H. Gwynne ddatgan diddordeb yn Agenda Eitem 9, Cais Cynllunio E/37224.

4. MATERION YN CODI

4.4.4.4.4.4.5vii) Codwyd cyfanswm o £495.00 mewn 'Noson yng Nghwmni Dr Rhys Thomas' yn Neuadd y Pentref Salem a bydd y rhoddion oddi wrth y busnesau yn mynd i brynu diffribliwr ar gyfer Ystâd Beechwood. Gyda'r Cyngor yn talu am y diffyg o £405 am y diffribliwr o'r elusen Cariad cynhelir Hyfforddiant Cymorth Cyntaf Sylfaenol a Hyfforddiant i'r Diffribliwr ar yr 20^{fed} Mehefin yn yr Ystafell Ddarllen ym Manordeilo. Mae rhagor o sesiynau hyfforddi wedi'u trefnu ar gyfer dydd Mercher 11^{eg} Gorffennaf yn 'Live Fit Gym' yn Beechwood, Llandeilo. Mae'r ymgynghori gyda thrigolion lleol ar yr angen am ddiffribliwyr ychwanegol ar waith gyda holiaduron ar gael i'w harwyddo yn Neuadd y Pentref Salem ac Ystafell Ddarllen Manordeilo. Mae mwy na 80 llofnod wedi'u casglu hyd yn hyn a defnyddir y canfyddiadau wrth ailgyflwyno'r cais am grant A4A.

4.4.4.4.4.4.13i) Mewn perthynas â'r posibilrwydd o ymestyn y llwybr troed ar hyd yr A40 o Ywen Fach i'r grŵp nesaf o dai ym Mhantglas Manordeilo, mae'r Cyng. J. Davies wedi'i hysbysu gan Asiantaeth Cefnffyrdd De Cymru y byddant yn ystyried ei gais wrth gynnal adolygiad cyffredinol o'r A40.

4.4.5vii) Mewn perthynas â'r tir amwynder yn Nolau Tywi, mae'r Clerc wedi ysgrifennu at Mr Edwards yn gofyn iddo dorri'r borfa yn ôl y gofyn. Mae hyn wedi'i anfon i'r Cyng. Arwel Davies i'w rhoi i Mr Williams er mwyn iddynt drefnu pryd sydd angen torri'r borfa.

Cyng. Arwel Davies

4.4.13ii) Mae'r Clerc wedi dod o hyd i brisiau ar gyfer biniau graean newydd. Bydd y Cyng. J. Davies yn holi i weld a yw'n bosib prynu'r rhain trwy Gyngor Sir Caerfyrddin am bris mwy rhesymol.

Cyng. J. Davies

4.5v) Dywedwyd wrth Gynghorwyr bod y dyddiad cau ar gyfer cyflwyno sylwadau i Gynllun Datblygu Lleol Diwygiedig C.S.C. wedi'i ymestyn i 29^{ain} Awst.

Nodwyd

4.5x) Roedd y Clerc wedi bod yn aflwyddiannus yn ceisio cael cytundeb i leihau'r gost o gynnal gwefan y Cyngor ac o ganlyniad mae'r swm o £150.00 wedi'i dalu i Vision ICT.

4.13i) Nid yw'r bin sbwriel ychwanegol ym Manordeilo wedi'i osod hyd yn hyn.

Cyng. J. Davies

5x) Mae'r cynnydd yn y premiwm wrth Zurich o ganlyniad i gynnydd yng ngwerth asedau'r Cyngor yn dilyn cynnwys y pedwar diffribliwr yn y polisi. Mae'r ychwanegiad hwn wedi'i wneud yn ystod y flwyddyn flaenorol ac wedi'i gynnwys yn y premiwm presennol ond mae'r dyfynbris newydd yn adlewyrchu'r ychwanegiad hwn. Daethpwyd o hyd i ddyfynbrisiau eraill ond nid oeddynt yn cymharu'n union gyda'r ddarpariaeth hon ac mae Zurich wedi rhoi gwasanaeth

gwyh a hefyd cyngor i'r Cyngor dros y saith mlynedd blaenorol, ac felly penderfynwyd y dylid parhau gyda Zurich a thalu'r premiwm o £333.56 erbyn y dyddiad adnewyddu sef 1^{af} Mehefin 2018. Y tro nesaf y bydd angen adnewyddu cytunwyd y dylid hefyd gwneud ymholiadau yn enwedig mewn perthynas â chael yswiriant cynhwysfawr ar gyfer goleuadau stryd. Cadarnhawyd hyn gan y Cyngor, cynigiwyd gan y Cyng. Alun Davies, eiliwyd gan y Cyng. H. Gwynne ac roedd pawb yn gytûn.

10. Mae'r arolwg o'r coed yn ardal chwarae Caledfwlch ar waith.

Cyng. A. Thomas

12i) Mewn perthynas â chyflwr y ffordd y tu allan i'r capel yng Nghapel Isaac, bydd y Cyng. P. Harries yn gwneud ymholiadau gyda Mr S. Quick, Adran Briffyrdd C.S.C.

Cyng. P. Harries

12ii) Mewn perthynas â'r defnydd cyfredol o garafán breswyl yng Nglanrafon, Capel Isaac, mae Adran Gorfodaeth Cynllunio C.S.C yn ymchwilio i'r mater.

5. GOHEBIAETH

i) Cyfriflen Banc HSBC dyddiedig 15/05/2018, Taflen Rhif 334, Gweddill o £21.49.

Nodwyd

ii) C.S.C. parthed Pwyllgorau Craffu a gwell cyfranogiad gan Gynghorau Tref a Chymuned.

Cyng. O. Williams

iii) C.S.C. parthed mapio tir sydd yn y sector cyhoeddus a pherchnogaeth tir.

Nodwyd

iv) C.S.C. Gweithdy Cynllun Datblygu Lleol 30 Gorffennaf 2018 – mynychwyr i'w cadarnhau yng nghyfarfod mis Gorffennaf.

Clerc

v) C.S.C. Memorandwm o ddealltwriaeth, Ffioedd Claddu Plant.

Nodwyd

vi) Grŵp Gorchwyl a Gorffen Sir Gaerfyrddin parthed Cynhadledd Materion Gwledig 7 Medi 2018, Clerc i gadw lle ar gyfer y Cyng. O. Williams.

Clerc

vii) Digwyddiadau ymgynghori Hywel Dda.

Hysbysfyrdau

viii) Swyddfa Archwilio Cymru datganiadau i'r wasg parthed Deddf Llesiant Cenedlaethau'r Dyfodol (Cymru) 2015.

Nodwyd

ix) Comisiynydd Pobl Hŷn Cymru parthed 'Heneiddio'n Dda yng Nghymru'.

Nodwyd

x) Ymgynghoriad Llywodraeth Cymru ar Orchymyn Dosbarthiadau Defnydd a Gorchymyn Datblygu a Ganiateir.

Nodwyd

xi) Cynulliad Cenedlaethol Cymru, ymgynghoriad ar amrywiaeth mewn llywodraeth leol.

Nodwyd

xii) Un Llais Cymru parthed digwyddiad Plant, Pobl Ifanc a Democratiaeth yng Nghymru.

Nodwyd

xiii) Un Llais Cymru, diweddaru Gorchymynion Sefydlog 2018. Cytunwyd y byddai'r Cynghorwyr G. Evans ac O. Williams yn cwrdd â'r Clerc am 7.00pm cyn cyfarfod arferol mis Gorffennaf i adolygu.

Cynghorwyr. G. Evans ac O. Williams, Clerc

xiv) 'Western Power Distribution', 'Power Up', Cyngor Ynni.

Gwefan a Hysbysfyrdau

xv) Cymdeithas Gwasanaethau Gwirfoddol Sir Gaerfyrddin (CAVS) parthed Prosiect Gwirfoddoli Gwledig.

Penderfynnwyd y dylid gwahodd cynrychiolydd o CAVS i gyfarfod mis Medi am 7.00pm er mwyn cael gwybod mwy am y cynllun.

Clerc

xvi) 'Seafarers UK' parthed Diwrnod y Llynges Fasnachol 3 Medi 2018.

Nodwyd

xvii) Marie Curie parthed Te Parti Mawr.

Gwefan a Hysbysfyrdau

xviii) 'Carmarthen ShopMobility', cais am gymorth ariannol.

Chwef 2019

xix) Fe wnaeth y Clerc gadarnhau ei bod wedi anfon copi o'r Rhybudd preifatrwydd mewn e-bost/post i bob Cynghorydd yn unol â'r Rheoliadau Diogelu Data Cyffredinol newydd ac y dylid eu cadw.

6. ADOLYGIAD O'R GYLLIDEB

Heb dderbyn y cyfriflenni banc.

7. GOLEUADAU

Dim i'w drafod.

8.

LLWYBRAU TROED

Dim i'w drafod.

9. CYNLLUNIO

Unwaith eto fe wnaeth y Cyng. H. Gwynne ddatgan diddordeb ac ni chymerodd ran yn y drafodaeth na'r penderfyniad (Perchen tir gyferbyn)

Cytunwyd gwneud y sylw canlynol:

E/37224 Adeiladu Garej Dwbl
Hen Neuadd yr Eglwys
Taliaris
Llandeilo
SA19 7DA
Moffat
Dim Gwrthwynebiadau

10. DATGANIAD BLYNYDDOL

Adroddodd y Clerc bod yr holl rybuddion statudol wedi'u harddangos fel sy'n ofynnol gan Swyddfa Archwilio Cymru. Hefyd fe ddywedodd y Clerc bod yr archwiliad mewnol wedi'i gwblhau gan Mrs Wendy Phillips gyda dim materion yn codi. Yn unol â hynny mae'r Datganiad Blynyddol wedi'i arwyddo gan Mrs Phillips a chyda'r Clerc fel y Swyddog Ariannol â Chyfrifoldeb. Darllenwyd y Datganiad Llywodraethiant Blynyddol Rhan 1 a Rhan 2 yn uchel yn y cyfarfod a chymeradwywyd pob eitem gan y Cyngor. Cynigiwyd gan y Cyng. P. Harries, eiliwyd gan y Cyng. H. Gwynne a chytunwyd yn unfrydol y dylid cymeradwyo'r Datganiad Blynyddol. Y Clerc i gasglu'r gwaith papur ychwanegol a'i gyflwyno ynghyd â'r Datganiad ar gyfer yr archwilwyr allanol Grant Thornton. Clerc

10 MENTER HAWLIAU TRAMWY

Darllenwyd llythyr gan Mr Martin Murray mewn perthynas â Hawliau Tramwy yn Sir Gaerfyrddin yn gofyn i gynghorau cymuned gymryd rhan weithgar mewn cadw o leiaf rhai o'r llwybrau a llwybrau ceffylau pwysicaf yn agored. Nid oes gan Uned Hamddena Allanol C.S.C. yr adnoddau i gynnal holl Lwybrau Tramwy'r Sir sef 2,200 cilomedr ohonynt. Cytunwyd y byddai'r Cyngor Cymuned, fel yn y gorffennol, yn ystyried unrhyw faterion sy'n codi parthed llwybrau troed yn eu hardal a'r gwaith cynnal a chadw a fydd o bosib angen ei wneud fel er enghraifft llwybr troed Tyle ym Manordeilo. Cynigiwyd gan y Cyng. H. Gwynne, eiliwyd gan y Cyng. K. Davies gyda phawb yn gytûn y dylai'r Clerc hysbysu C.S.C. yn unol â hynny. Clerc

12. FFORDD TALYLLYCHAU

Ar hyn o bryd mae C.S.C. yn ymgymryd â rhagor o adolygiadau i ddiogelwch ar hyd Heol Talyllychau gan edrych ar y posibilrwydd o gyflwyno cyfyngiadau cyflymder ar hyd y rhan gyfan o'r ffordd o'r gyffordd gyda'r A40 ger Llandeilo i Grug y Bar. Mae arian Ewropeaidd wedi'i ddiogelu. Bydd y Cynghorydd Sir J Davies yn hysbysu'r Cyngor Cymuned o unrhyw ymweliadau safle neu unrhyw wybodaeth gyffredinol pan fydd ar gael.

Cyng. J. Davies

13. CYFRIFON I'W TALU

i) Mrs W. Phillips, Archwiliad Mewnol, Siec Rhif 1268	£150.00
ii) Mrs Jane Davies, Cyflog y Clerc Mehefin 2018 a Threuliau, Siec Rhif 1269	598.79

CYFANSWM £748.79

14. UNRHYW FATER ARALL

i) Adroddwyd bod y cylfat sydd gerllaw Maesyfedwen, Manordeilo wedi cwmpo ar y ddau ben; Clerc i adrodd am hyn i'r Adran Briffyrdd. Clerc

Gan nad oedd rhagor o fusnes i'w drafod, diolchodd y Cadeirydd i'r aelodau am fynychu a daeth y cyfarfod i ben am 9.05pm.

.....11 Gorffennaf 2018
CADEIRYDD